



www.BibleForChildren.org




Tioni 14



La lesua muvikala aloxo 'ola, “Ngingi opongengi tu'umaxu mo tangengilili uasi. Ngingi ngalopala noxou Mosinge mo ngalopala noxilo kalumo. No tualasou Mamilo la tanitani lailaixe tavu'alo a uxolu. La eni alai so alalaxinu taningenge.”



“la loxo axone uasi, la eni alemolu vaikala ano'o noxinge uasisi. Eni alai so alalaxinu tualasinge, xo laso eni alivu ane'e so ano'ingela. Ano'inge so nenge'a talai taxolu tualasinge vilesisi.”



loxe, eni avivinge Tioni a xo nenge nenge'a taxolu noxou lesua. Taxolu noxou laso nenge so taxolu no voxo loxo Mosinge molu u'uli laxune'l

tamitemaou. Laso maixene
nenge tatavulenu



A person with dark skin and curly hair, wearing a bright red robe, is kneeling on a yellow surface. They are in a prayerful pose, with their hands clasped near their face. The background features a blue sky, a brown hillside, and a green landscape with trees.


tu'utu'umaxusou ia
taxolu se'isisi so
taxomaiou.



Xo eni elanu vaikalaou Mosinge mo ea'aloxy
lesua laso ane'i mikusailo xe mipalusilo so
axoxolu no anu ailani Patimosi 'o.



Xe alaxu vilesisi Ulenu mupamuxaleli sila exolu no tualasou Mosinge. La emaisou sia kingi muai la Vile mutualupexa no anu.



Mo kalumo elomusi'a tamimi mukalusi ane Mosinge mukoinu mipitanu anaxa'a. Tamimi e no tualasou Mosinge xe no lalia xe no laxu lalia xe no luaki. Mipitanu anaxa'a la mivikala aloxo 'o, "Anu ane utalupexa no anu sia kingi ilou Sipisipi Ilie a."




“Ta'osa'ilasi'a misevile mo tavikalasou ili'ilixo
noxi'a laixe mo ta'itinu ualasi'a xo ane'i ixolu i'uli
laxunenge ulai ulai kaluxu uasi.”




Sila emaisou taoni noxou Mosinge u'isalili e lelusalemo alavua. Anu molu noxou no tualasou mululu'e mo tokolomosou lailaixe manina aloxo sema ilalaxi mo itokolomo so itaula'ixu mulu'e. Mukalu la elomusou xoli molu no sia kingi muvikala tatila aloxo 'o, “Ngamalei, tasou


Mosinge a uxoxolu noxi'a tamitema mo so anu utalupexa no taine'i. Laso ane'i ixolu tamitemaou mo anu Mosinge molu a uxolu noxi'a.”



loxe, emaisou mimi ne mukalu la angelo mulosoielixu lexa vile. Anu lexa so mauli ane. Anu lamana e lamana loxo laxalasi 'o. Lexa ne molu no anu sia kingi noxou Mosinge ilou Sipisipi Ilie.



Xe kalumo no taoni ne la tava'u so aso ilou so'io iiesou uasisi. Xo iaxu Mosinge a ulusou lamanaxu mo Sipisipi Ilie anu uxolu loxo lalamosou kalumo.




la mi ane malemalenga uasi xe tamitema ane i'oxonu
ili'ilixo ane loxo tuma'u masua noxou Mosinge xe
vaikala kalavoi la umomomo
uasi manina so u'unalai ne.
Ane'isi ane ualasi'a uai no
anu lavuku so mauli
noxou Sipisipi Ilie la
ixolu no taoni ne,
evilela uasi.




“Anu uxolu noxi'a laso ie'i lexaxu
so mi vilela uasi. Mo soli uxalila
uasi. Mo tamitema opone'i
tu'umaxusou mi vile xe itama xe
ixamulinu navunavula uasi. Mi
anene so tateimo, umomomo so
uxalila uasi.”




La tu'utu'umaxu ane mukasi'a tamitema no lialia tatei ne uxolula uasi. Xe sia kingi noxou Mosinge ilou Sipisipi Ilie uxolu ne. Mo ane'i tamitema so xaixai noxou ixolu i'itinu ualasou. Ixolu i'itinu ualasou la ane'i imaisou iou mo no anu alaiie'i la ualasou uxolu no anu.




Mukalu la emaisi'a tamitema ane misoisoli mukalusi a mitulu no laxunu sia kingi. Ane'i tamitema tatiatila xe tamitema vitavitanisi a mitulu ne. La ane'i ta'angelo mixavulalanu lavulavuku ane ili'ilixone'i tamitema muxolu mukaukavu no anu. Xe mixavulalanu lavuku so mauli kalumo.



Mukalu la anu ane mutalupexa no anu sia kingi muititi no anu lavulavuku ne so utilovosi'a tamitema no anu ili'ilixo mi ma'ia mi'oxonu. La tamitema ta'ei ane ualasi'a uxolu no anu lavuku so mauli uasi, la ane'i mukalusi misu'a no taxa so navu kalumo.



La Ulenu olie Sipsipi Ilie semau mivikala aloxo 'o,
“Nane'e 'o.” Xe ta'ei loxo ilomuxu vaikala ano'o la ane'i
kalumo ivikala lexe, “Nane'e 'o.” Laso ena'ei usolixu
lexa la une'esi. Une'e uie no anu lexa so mauli xo anu
lapesou uasi.



Xo Mosinge musexelaxa'a tatemanu
lilia misevile, laso anu mupilixinu Olu
e soxu vilesisi. Mupilixinu mo so ane'i
ta'ei ilopala noxou la imamulo uasi,
ixalisou mauli kaluxu uasi.



Romans 3:23 Xo nenge mukalusi tesusu, mo loxo nenge menge tatovonu so taxali noxou Mosinge, la tapunengesi.

Romans 6:23 Laso anu ane. Loxo itema uxaxai no anu susu, la lapesou ane solisi. la Mosinge uiaiama noxingue so lexe taxolu noxou Kalaisiti lesua anu Tatananenge, la tano'u mauli kaluxu uasi.

Hebrews 9:27 Xo tamitema mukalusi isoli alaxu vilesisi. Xe mukalu la itulu no laxunu Mosinge so utilovosi'a.

Ephesians 2:8,9 Xo ngingi ngelopala noxou laso Mosinge muiaiama noxingue so mupamaulingengi. Mi ne ngingi menge ngaxalixu uasi. Mosinge molu mu'itimengi. Anene lakolisou xaixai vile nge'oxonu uasi. Laso tava'u so itema vile u'itinu no anu uasi.



Romans 10:9,10 Vaikala aloxo 'o. Loxo itema vile uvikala lamana lexe lesua anu Tatananenge mo ulopala no oponu lexe Mosinge mutulusou no anu soli, la itema ne uxalisou pamauli ane.

Xo loxo itema vile ulopalanu Mosinge vaikalaou la anu uvikala lexe, "Ai, vaikala ano'o maninasi." Loxo u'oxo axone la Mosinge ulemolu lexe anu malemalenga. Xe loxo u'oxo lexe, "Anu ane, eni alopala noxou lesuasi." La Mosinge upamaulinu itema anene.

John 3:16,17 Xo Mosinge musexelaxa'a tatemanu lialia misevile, laso anu mupilixinu Olu e soxu vilesisi. Mupilixinu mo so ane'i ta'ei ilopala noxou la imamulo uasi, ixalisou mauli kaluxu uasi.

Xo Mosinge mupalusou Olu mune'e no lialia ia so utilovosou susu noxi'a tatemanu kaio ulemolu mamulosi'a uasi. Anu mupalusou mo so tatemanu lialia ixalisou pamauli a noxousi.



1 John 5:11-13 La ano'o vote'i so Mosinge mupala'anixu
lexe vaikalaou ne maninasou. Anu mulosinge mauli kaluxu
uasi la tava'u mauli kaluxu uasi ne a noxou Olusi.
Itema ane Mosinge Olu uxolu noxou la mauli anene a uxolu
noxou. la itema ane Mosinge Olu uxolu noxou uasi la mauli
anene uxolu noxou uasisi.

Eni ekaukavunu vaikala ano'o ulai noxingi ngingi ane
ngalopala noxou Mosinge Olu, mo so ngingi ngalavu lexe
mauli kaluxu uasi a muxolu noxingi ne.



Tioni 14; 2 Kolini 5; Mupala'a 4, 21, 22

Storyline by: Edward D. Hughes

Illustrated by: Lazarus
and Alastair Paterson

Adapted by: Sarah S.

Ata (atm) Copyright 1999 New Tribes Mission, Sanford, FL
32771-1487

<https://www.bible.com/en-GB/bible/3549/MAT.1.ATA>

©2025 Bible for Children, Inc.

www.M1914.org

www.bibleforchildren.org

